



JAVNA USTANOVA
BOSANSKI KULTURNI CENTAR
KANTONA SARAJEVO

Na osnovu člana 27. stav 1. alineja 6. i 37. stav 2. Zakona o ustanovama („Službeni list RBiH“, broj: 6/92, 8/93 i 13/94), člana 1. i 13. Odluke o spajanju javnih ustanova kulture u Javnu ustanovu „Bosanski kulturni centar Kantona Sarajevo“ („Službene novine Kantona Sarajevo“, br. 37/14, 44/17 i 11/19-prečišćeni tekst), člana 38. tačka f) Pravila Javne ustanove Bosanski kulturni centar Kantona Sarajevo (broj: 1128-01-1/18 od 11.12.2018.godine), Upravni odbor Javne ustanove „Bosanski kulturni centar Kantona Sarajevo“, na sjednici održanoj 26.06.2024. godine, donosi

PRAVILNIK

o načinu prodaje, cijenama ulaznica i utvrđivanju kriterija za dodjelu pozivnica i besplatnih ulaznica u Javnoj ustanovi Bosanski kulturni centar Kantona Sarajevo

I-OPŠTE ODREDBE

Član 1.

Ovim Pravilnikom o načinu prodaje, cijenama ulaznica i utvrđivanju kriterija za dodjelu pozivnica i besplatnih ulaznica (u daljem tekstu: Pravilnik) se definiše visina cijena ulaznica za kulturne manifestacije (koncerti, priredbe, pozorišne predstave, prikazivanje filmova) u Javnoj ustanovi Bosanski kulturni centar Kantona Sarajevo (u daljem tekstu: JU BKC KS), popust na cijene ulaznica, kriterij za dodjelu besplatnih ulaznica i pozivnica za kulturne manifestacije u JU BKC KS.

II-ODREDBE O PRODAJI ULAZNICA I CIJENAMA

Član 2.

- (1) Blok ulaznica za kulturne manifestacije koje se održavaju u JU BKC KS sadrže:
 - a) za prostor Velike dvorane-830 (slovima: osamstotinatridest) ulaznica;
 - b) za prostor Galerije-200 (slovima: dvijestotine) ulaznica;
 - c) za prostor Atrija-150 (slovima: jednustotinupedeset) ulaznica.
- (2) Blokovi ulaznica su numerisani i svaka ulaznica sadrži serijski broj JU BKC KS.
- (3) Prodaja ulaznica se vrši na blagajni/portirnici JU BKC KS u vremenu od 10 do 16 sati, i dva sata pred početak kulturne manifestacije na dan održavanja.
- (4) Cijene ulaznica za kulturne manifestacije koje su produkcija ili koprodukcija JU BKC KS su kako slijedi:



Redni broj	Program	Cijena (KM)
1.	Kulturni događaji za odrasle	10-50
2.	Kulturni događaji za djecu	5-15
3.	Repriza predstave za djecu	5-10
4.	Organizovani kulturni događaji za srednje škole i studente	5-15
5.	Organizovane kulturni događaji za osnovne škole i vrtiće	3-10
6.	Organizovane predstave za grupe preko 20 osoba (redovna prodaja)	Popust do 30 % na redovnu cijenu
7.	Studentske karte (uz priložen Index kao dokaz)	Popust do 30 % na redovnu cijenu
8.	Karte za penzionere (uz priložen ček od penzije kao dokaz)	Popust do 30 % posto na redovnu cijenu
9.	Specijalni programi	Po odluci direktora

Član 3.

Minimalan broj karata za koji se distribuiraju za prodaju je 150 osoba.

Član 4.

- (1) Direktor JU BKC KS pojedinačnom Odlukom može cijenu karata iz člana 2. ovog Pravilnika utvrditi na drugačiji način (veću cijenu) a u zavisnosti od produkcijske i tehničke kompleksnosti izvođenja kulturne manifestacije.
- (2) Direktor JU BKC KS može odobriti posebnu cijenu karata iz člana 2. ovog Pravilnika (niže od usvojene) za potrebe humanitarnih akcija, edukativnih projekata, projekata značajnih za kulturu, socijalno ugroženim kategorijama, ustanovama i udruženjima čija je djelatnost rad sa osobama sa poteškoćama u razvoju.
- (3) Ukoliko je izvođenje kulturne manifestacije u JU BKC KS humanitarnog karaktera, direktor JU BKC KS može donijeti Odluku da se sav prihod ostvaren od prodatih ulaznica preusmjeri za realizaciju humanitarne akcije.



III-ODREDBE O KRITERIJIMA DODJELE BESPLATNIH ULAZNICA

Član 5.

Određeni broj ulaznica iz bloka ulaznica za kulturne manifestacije iz člana 1. ovog Pravilnika može se dodijeliti besplatno.

Član 6.

Ukupan broj besplatnih ulaznica u pravilu iznosi do 10% od ukupnog broja ulaznica za kulturne manifestacije iz člana 1. ovog Pravilnika.

Član 7.

O potrebi i razlozima za dodjelu dodatnog broja besplatnih ulaznica Odluku donosi direktor JU BKC KS.

Član 8.

(1) Besplatne ulaznice za kulturne manifestacije iz člana 1. ovog Pravilnika se mogu dodijeliti u sljedećim slučajevima:

- a) Osobama sa pozivnicama JU BKC KS;
- b) radnicima JU BKC KS;
- c) spoljnim saradnicima;
- d) autorima-učesnicima kulturnih manifestacija;
- e) učenicima osnovnih i srednjih škola;
- f) studentima akademija i fakulteta;
- g) medijskim i poslovnim partnerima;
- h) i u drugim slučajevima kada je to u intresu JU BKC KS.

IV-ODREDBE O POZIVNICAMA I ULAZNICAMA ZA KULTURNE MANIFESTACIJE

Član 9.

(1) Za kulturne manifestacije iz člana 1. ovog Pravilnika koje se održavaju u JU BKC KS, uobičajeno je da se šalju pozivnice i na osnovu potvrđenog odgovora izdvajaju se po 2 (dvije) besplatne ulaznice za svaku pozivnicu.

(2) Kome će se uputiti pozivnice i dodijeliti besplatne ulaznice određuje direktor JU BKC KS na osnovu prijedloga uposlenika zaduženih za realizaciju programskih sadržaja.



JAVNA USTANOVA
BOSANSKI KULTURNI CENTAR
KANTONA SARAJEVO

Član 10.

Broj pozivnica i besplatnih ulaznica za kulturne manifestacije iz člana 1. ovog Pravilnika može biti veći od utvrđenog broja iz člana 6. ovog Pravilnika, ali ne može biti veći od 100 (stotinu), o čemu Odluku donosi direktor JU BKC KS.

Član 11.

Direktor JU BKC KS može donijeti Odluku da se za pojedine kulturne manifestacije iz člana 1. ovog Pravilnika dodjeljuju samo pozivnice.

V - ODREDBE O PRODAJI ULAZNICA LICIMA SA POSEBNIM POTREBAMA

Član 12.

- (1) Ovim Pravilnikom se utvrđuje i način prodaje ulaznica za sjedišta koja su preporučena za osobe sa posebnim potrebama.
- (2) Mjesta pristupačna invalidskim kolicima nalaze se u I redu svih prostora iz člana 2. stav (1) tačka a), b) i c) ovog Pravilnika.
- (3) Ulaznice za sjedišta koja su preporučena za osobe sa posebnim potrebama neće se prodavati 24 sata prije početka kulturne manifestacije iz člana 1. ovog Pravilnika.

VI - PRELAZNE I ZAVRŠNE ODREDBE

Član 13.

Izmjene i dopune Pravilnika vrše se na način i po postupku propisanim za njegovo donošenje.

Član 14.

- (1) Ovaj Pravilnik stupa na snagu danom donošenja od strane Upravnog odbora JU BKC KS.
- (2) Pravilnik će se objaviti na oglasnoj ploči i web stranici Javne ustanove Bosanski kulturni centar Kantona Sarajevo.

Broj: 04-2-585.2/24
26.06.2024.



Predsjednik Upravnog odbora
Mirsad Čatić

